

جریدہ علمیہ

شعبت جلیانہ اسلامیہ نمک جریدہ راسمہ سید

ذی الحجہ ۱۳۳۶

در دہجی سنہ

آیدہ بر نشر اول نور

عدو: ۳۸

قوانین و نظامات

اعاشه نظارتی حقه‌ده قرارنامه

محمد وحیدالدین

[تقوم وقایع ایله تشری تاریخی: ۱۰ ذی القعدة ۱۳۳۶ و ۱۷ اغستوس ۱۳۳۴-نومروس ۳۳۲۰]

ماده : ۱۰ اردوی هاپون ایله محتاجین اهالینک و مأمورین دولک اعاشه‌سنه مقتضی مواد غذائی و حوائج سائرک تدارک و اعطاسی و اهالی سائرک تسهیل معیشتی و اسمارک غیر طبیعی غلا و ترغمدن محافظه‌سی اموریه موظف و مشغول اولق اوزره اعاشه نظارتی تشکیل اولمشدر .

دولتجه لزوم اعاشه‌سی تحت قراره آله جقلر ایله مؤسسات و جمعیات خیره‌دن محتاجین خلقه معاونتله اشتغال ابتدکاری نظارتجه ثابت اولانلرک احتیاجاتی ده تهوین ایدیله جکدر .

ماده : ۲ نظارتک مرکز و طشره تشکیلاتی ایچون مربوط جدول موجبجه اوجیوز اوتوز درت سنه مالیه‌سک بدی آینه عائد اولق اوزره طقوز یوزاون اوج بیک الی لیرا تخصیص اولمشدر .

ماده : ۳ نظارت ذات مقصدی استکمال ایچون تجاری ماهیتده هر نوع بیع و شرایه و عقد مقاولاته و صنایع مختلفه ایله اشتغاله صلاحیتدار اولوب بو معاملات ایچون طوغریدن طوغری به نظارتک امریه صرف و استعمال اولنق اوزره بش میلیون لیرا تخصیص اولمشدر .

ماده : ۴ ماده سابقه‌ده مذکور بش میلیون لیرا مالیه نظارتی بودجه‌سنه وضع اولنرق اعاشه نظارتجه وقوع بوله‌حق طلب اوزرینه امر اعطایه ربطاً نظارت مشارالیه و بریلرکک و نظارتجه مبالغ مزبور صرف ایدلرکجه اصول محاسبه عمومی و قانونی احکامنه تابع اولمیه جقدر .

ماده : ۵ دار الحركات اولان مناطق ایله ولایات مستخلصه‌دن حربیه و اعاشه نظارتلرکجه بالاشتلاف تمین اولنله‌حق محللرده اعاشه امورنده و بوکا متفرع توزیعات

و مبايعات خصوصاً منده نظارت وظائف و صلاحياتی قسماً و یا تماماً اردو قوماندانلرينه توديع و تحمیل ايديله جکدر .

ماده : ۶ نظارت مأمورینی خدمت عسکریه دن حق تأجیل طائر اولوب خدمتدن استفاده اولنه جق ذواته دخی نظارتک طلب و اشعاری اوزرینه حربیه نظارتجه مأذونیت و یریلور . کذلک استحصالاتک تزیدی و تقلیاتک تأمینی ایچون اعاشه نظارتجه طلب اولنه جق مقدار و اوصافده افراد عسکریه اردو قادرلرندن حربیه نظارتجه بالتفریق اعاشه نظارتی امرینه تخصیص ایديله جکدر .

ماده : ۷ اعاشه نظارتی مأمور و مفتشلرينه خرجراه اوله رق مصارف حقیقه تسویه اولتور .

ماده : ۸ سیرسفان اداره سنه عائد سفان و سراكبك لزومی قدری اعاشه نظارتک امرینه تخصیص اولنه جکدر .

ماده : ۹ عسکر و مهمات و لوازم حربیه تقلیاتنه تخصیص ایديله جک اولانلردن ماعدا دولت و شرکتر اداره سنده کی شمندوفر و اغونلریله دولت و افراده عائد تقلیاتک اجرایی منحصراً اعاشه نظارتک امر و ترقینه تابعدر .

ماده : ۱۰ اردونک احتیاجات و تربیات حربیه سی خارجده کی وسائط نقلیه اعاشه نظارتی امرینه ترک و تخصیص اولنه جکدر .

ماده : ۱۱ حکومتجه محصولات ارضیه دن عیناً آلتان عشر مالیه و اعاشه نظارتلرنجه بالائتلاف تعیین اولنه جق فینات ایله اعاشه نظارتنه دور اولنه جق کبی رومانی و اوقراتیا کی محلولده دولت عثمانیه حصه سنه اصابت ایتمش و ایديله جک اولان هر نوع مواد دخی نظارت مذکورده عائددر .

ماده : ۱۲ عشره تابع اولیوبده حکومتجه رسم مخصوص استیفا اولان هر نوع محصولات ارضیه و مواد ابتدائیه دن اشبو رسم مقابلنده عیناً تحصیلات اجرایی اعاشه نظارتجه لزوم کوسرلرکده بوجهله ایله معامله اجرایی امرنده اتخاذ قراده مجلس وکلا مأذوندر .

بوقوله تحصیلات عینیه کذلک اعاشه نظارتنه دور اولتوب تقابل ابتدیی رسمک بالتفی اعاشه نظارتی مالیه نظارتنه قارشی تدین ایدر .

ماده : ۱۳ دوائر ملكيه وعسكريه ومؤسسات دوله مقتضى اولوب مبايعه واعطاسى اعاشه نظارتجه درعهده ايديله جك اولان مواد اعاشه وابتناسيه دوائر مذكوره طرفندن داخلده و خارجده مبايعه ايديله من . اعاشه نظارتجه كرك بوججه ايله و يرييله جك كرك اردو اعاشه سته تخصيص واعطا اولنه جق موادك فيثاى نظارت مذكوره جه تقدير وتخصيص اولنور .

ماده : ۱۴ ممالك اجنييه اخراجى جائز اولان موادك انواعى تعيين ايتك اعاشه نظارتك تكليفى اوزرينه مجلس وكلايه عايد اولوب اخراج ماذونيتى اعاشه نظارتجه و بربلور . ماده : ۱۵ عשרدن ماعدل اعاشه ايجون يالكز عشرينى آله جق ومبايعه فيثاى نظارتجه تعيين اولنه جقدر . محمولاتك اوست طرفى سربستدر .

ماده : ۱۶ اعاشه نظارتى مواد غذائيه و حوائج سائر اعمال ايدن فابريقه ، دكرمن ، فرون ، اعمالخانه ، كارگاه كى هرنوع مؤسسائى ومغازه و ارضيه لرى و وسائط بريه و بحريه يى بدل مثلى ايله استيجاره صلاحيتداردر .

ماده : ۱۷ اشخاصه عايد اولوبده جهت عسكريه جه وضع يد ايدلمش و يامقاوله يه ربط اولمش اولان منابع ومؤسسات استحصالندن جهت عسكريه لازم اولان مقدارى حرييه نظارتيله بعدالتعين جهت مذكوره يه اعطا ايدلك اوزره اعاشه نظارتجه دور و تسليم ايديله جقدر .

ماده : ۱۸ اعاشه نظارتى مواد غذائيه و هرنوع حوائج سائر نك بيع وشرا ونقل و ادخارى حقدده اصول مخصوصه و قسيديه واحكام مانده و تحديديه وضع ولدى الالحاب اعظمى فيثاى تعيين و بونلك تجارتيه مشغول اولانلرك معاملاتى تدقيق و تفتيش ايتك ماذوندر .

ماده : ۱۹ اشبو قانون احكامنه مخالفت و تدقيقات و تفتيشاتى اشكال و بوبابده كى تدابير عايد اوله رق اتخاذ و يا اراده سنيه نشر اولنه جق مقررات خلاقدده حركت ايدنلر درجه فعل و حركت لرينه كوره بشير ايدن بش بوز ليرايه قدر جزاى تقدى و يايكرمى درت ساعتدن برسنه قدر حبس و يا خود بوجز لرك هرايكيسى ايله بردن مجازات اولنورلر . بوافمالك مرتكبلرى مأموريندن ايسلر اول امرده اللرى ايشدن چكديريلور و تجاردين ايسه موقه تجارخانه لرى سنايله محكمه يه سوق ايديلور . اشبو دعاوى جزاينه دن مأمورينه تعلق ايدنلرى مأمورين محاكمته دائر قوانينه توقيفاً محكمه عانده سنده و ديكرلرى صلح

محکمہ لری و محاکم مذکورہ مک تشکل ایتمدیکی یرلرده صلح حاکم لریته دائر قانونه توفیقاً و محاکمات سائرہ تقدیماً بدایت محکمہ لری طرفندن رؤیت اولنور .

ماده : ۲۰ بیاسده موجود اشیانک فیثانہ تأثیر ایده جک درجهده جمع وادخاری وزیریلہ صوریلہ الدن اله دور و تسلسل ایتمدیکی کبی معاملات احتکاریه تصدی ایتمدیکنر ماده سابقه موجبجه تجریم اولنورلر .

ماده : ۲۱ اعاشه نظارتنک صلاحیتدار مأمورینی طرفندن تنظیم ایدیله جک ضبط ورقه لری خلاقی ثابت اولنجهیه قدر محاکمه مدار حکم اتخاذ اولنور .

ماده : ۲۲ اون طقوزنجی ویکرمنجی ماده لر موجبجه محکوم علیه اولانلرک اوزرنده احتکار اجرا ایتمدیکی و خلاف مقررات التده بولندیردینی اموالی قبل الحرب جاری اولان بیاسه فیثانیله اعاشه نظارتی نامنه مبايعه ایدیله جکدر .

ماده : ۲۳ اعاشه و احتکار حقنده شمدییه قدر نشر ایتمیش اولان قوانین و نظامات اشبو قانونک تاریخ مرعیتدن اعتباراً ملنی اولوب بولملنی قانونلر موجبجه تشکل ایتمیش اولان هیئتلرک موجودات و مقاولات و معاملاتق اعاشه نظارتنه دور اولنور .

ماده : ۲۴ اشبو قرارنامه موقع مرعیتده قالدجه قوانین سائرہ مک بوقرارنامه ایله تعارض ایدن احکامی تطبیق ایدیله جکدر .

ماده : ۲۵ اشبو قرارنامه مک صورت اجراسنه واعاشه نظارتنک تشکیلاتنه دائر نظامنامه یاپیله جکدر .

ماده : ۲۶ اعاشه نظارتنک تشکیلاتق اکال ایدیلتجهیه دکن امور جاریه سکتہ دار اولامق اوزره اعاشه معاملاتنک تدویر و نمیشیتنه تشکیلات سابقه مک قسماً و یا مجموعاً دوامی جائز اوله بیله جکدر .

ماده : ۲۷ اشبو قرارنامه تاریخ تشرینک فرداسندن اعتباراً مرعی الاجرادر .

ماده : ۲۸ اشبو قرارنامه مک اجراسنه هیئت وکلا مأموردر .

مجلس عمومینک اجتماعده قانونیتی تکلیف اولتیق اوزره اشبور قرارنامه‌نک موقع
صرعیتیه وضعی اراده ایلدم .

۲۱ شوال ۱۳۳۶ ۳۰ جوز ۱۳۳۴

صدر اعظم و مالیه ناظری و کیلی
محمد طلعت

حربییه ناظری و بحریه ناظری و کیلی
انور

شیخ الاسلام و اوقاف هایون ناظر و کیلی
موسی کاظم

داخلیه ناظری
اسماعیل بک
نامزاج

نافعه ناظری
علی منیف
پورسته و تلفراف و تله فون ناظری
حسین هاشم

عدلیه ناظری و شورای دولت رئیسی
خلیل
تجارت و زراعت ناظری
مصطفی شرف

*
* *

مجلس مشایخ نظم مناسکک تطبیقده دائر تعلیماتنامه در

برنجی فصل

رئیس و اعضانک ایضای وظیفه لر ی حقنده در

ماده ۱ مجلس مشایخ هیئتق ایام تعطیلیه دن ماعدا هر کون دائرة مشیخته اجتماع
ایله ایضای وظیفه ایلر .

ماده ۲ مجلسک مقرراتنه محتاج اولان مواد و مسائله عائد معاملات مجلسک
قرارینه مستنداً و محتاج اولمانلر رأساً رئیس طرفندن ایضا ایدیلور .

ماده ۳ مجلس مشایخک عقد ایده جکی اجتماعلرده حاضر بولان اعضانک اسمریله
خلاصه مذاکرات و مقررات باشکاتب طرفندن ضبط ایدیلر جک و اجتماعک نهایتسده
رئیس و اعضا طرفلرندن امضا اولنه حقددر .

ماده ۴ هراجماعک نهایتسده کله جک اجتماع ایچون بر روزنامه مذاکرات ترتیب
ایدیلر جکدر .

ماده ۵ انجمن علمی به اوج ذات انتخاب اولندقدن صکره متباقی درت اهضادن

بری مشایخه عائد سجل احوالک تنظیمه وبری دخی پیدرپی وقیه لرك حفظ و ترتینسه نظارت ایده جك وبری دخی بالعموم داخل و خارجه بولسان تکایایه دائر مفصل بر احصائیات جدولی جمع و تألیفه اهتمام ایدیه جك وبری دخی مرکز لرك و مفتش لرك رابوزلرینی تدقیق ایله خلاصه تدقیقات و مطالعاتی مجلسه بیلدیره جقدر .

ایکینجی فصل

انجمن علمینک مساعیسی حقنده در

ماده ۶ انجمن علمینک اشتغال ایده جکی مسائل علمیه نك پروغرامی هیئت عمومی جه تنظیم ایدیلور .

ماده ۷ الیوم طرق علیه نامه تکایده جاری اولان اصول و آداب و آیین و سیر نلوکک اساسات قدیمه ثابت سیله توفیق و تطبیقه مدار اولوق اوزره اصول مذکوره منسوبینی طرفلرندن برر رساله شکرده جمع و تألیف ایدیلورک مجلس مشایخه و برلسی اسبابی تأمل اوله جقدر .

ماده ۸ رسائل مذکوره انجمن علمی طرفندن تدقیق و هیئت عمومی جه تصدیق ایدلر کدنصرکره موجبجه ایفای وظائف ایدلک اوزره طرق علیه مشایخه تبلیغ و توزیع اولنور .

ماده ۹ مواد سابقه موجبجه بالعموم طرق علیه نك اصول و آداب حقنده تدقیقات علمیه ایضا ایدلرک مجلس مشایخ طرفندن صره سیله جمع و تألیف ایدیلورک بر مجله صوفیه ترتینسه اهتمام اوله جقدر .

اوچینجی فصل

تکایاتک صنوف و درجاته تقسیمه دائر

ماده ۱۰ دارالحلقة العلیه ده بولسان تکیه لر مسافه اعتباریله منطقه لره تقسیم ایدیلر جك و هر منطقه داخلنده کی تکیه لر اهمیت موقعیه سی نظر دفته آلنهرق بر مرکزیه مربوط بولنه جقدر .

ماده ۱۱ مرکز منطقه لری داخلنده کی تکایا مشایخی طرفلرندن بررسنه مدته
منتخب ایکیشر ذاتک انضمام معاونت لریله منطقه لرنده بولسان تکایاده کرک مشیخت
جهتارینک و کرک جهات سائر علمیه و دینیہ تک ایفا ایدیلوب ایدلدیکنه نظارت ایده جکدر
وهرای منطقه لریک شونات عمومیہ سنه دائر علاوه مطالعات ایله برر راپور ویره جکدر.
ماده ۱۲ ملحق تکیه لک یوقلمه علم و خبرلری مرکز لردن و مرکز لک علم
و خبرلری دخی مفتش لر طرفندن تصدیق ایدیله جکدر.

ماده ۱۳ مرکز و مفتش لک راپور لریله یوقلمه علم و خبرلری مجلس مشایخ طرفندن
اساس اتخاذیله معینات و مختصاتک استحقاقه دائر علی الاصول سنه ده برکره اوقاف
هایون نظارتنه مصدق برر عمومی یوقلمه جدولی ویریله جکدر.

ماده ۱۴ مسالک جلیله صوفیه تک تربیه دینیہ و فیوضات معنویہ سندن امت
اسلامیه تک مستفید اوله ییلمسی ایچون مرکز لرده هفته ده بر ساعت طرق علییه منسوب
عرفای امت طرفندن مواظ حسنه تک ایفا ایدیله ییلمسی اسبابنه مجلس مشایخ طرفندن
توسل ایدیله جکدر.

دردنجی فصل

مجلسک امور تحریریه سی حقنده در

ماده ۱۵ مجلسه محول اوراق « وارد » دفترینه بغداد القید مجلسه قرائت اولنور
ویریلن مقررات « مذاکره ضبط نامه » سنه کچیریله لک زیری هیئت طرفندن امضا ایدیلور
مقرراتک معاملات قلمیه سی سرعت ممکنه ایله بالا کمال « صادره » دفترینه قیدیله ایجاب
ایدنلر مقام جلیل مشیخته تقدیم اولنور.

ماده ۱۶ نظامنامه تک بشیخی ماده سی موجبجه تکایانک صنوف و درجانه تقسیمه
و مشایخک تسجیل احواله و وقفیه لک تسجیلنه مخصوص اوچ قطعه مطبوع سـجـل
دفتری تنظیم و بونلر کمال دقتله تحریر اولنله حق و حک و سیلنتی بولتیه جقدر. حین
تحریرده برسهو وقوعی تقدیرنده اوقونه ییله جک درجه ده خیزیلوب اوزرینه ویا هامشنه
تصحیح و باش کاتب ایله طرف ریاستدن زیری امضا ایدیله جکدر.

ماده ۱۷ سجالانك محل مخصوصنده وانجمن علمیدن صادر اوله جق مقررات
وتحریر ایدیهلک مقالات مسوداتی ایله اوراق امتحانیهك جلد بند مخصوصلرنده
وتراجم احوالك متفرعاتیه برابر آری آری آجیهلجق دوسیهلرنده حفظنه اعتنا اولتور.
مجلس مشایخه عائد اوراق رسمیه باشکاتيك ید امانته مودوعدر. مجلسك قراریهل مراکز
تکایا ودوائر سائریه وقوع بوله جق تبلیغات واشعارات ایچون جانب ریاستدن تذاکر
تحریر اولتور.

۴ ذی القعدة ۱۳۳۶ ۱۱ اغستوس ۱۳۳۴

*
* *

مراکز تکایا تعلیماتیه سیدر

ماده ۱ آیین شریف وآداب طریق کبی خصوصاتده مرکز درگاهلرینک سائر
تکایادن فرقلری یوقدر.

ماده ۲ مجلس مشایخ نظامنامه شه طائد تعلیماتیهك اونبرنجی ماده سی موجبنه
هر منطقه داخلنده بولنان مشایخ کندی مرکزلرنده بالاجتماع رای خفی ایله ایچلوندن ایکی
ذاتی برر سنه مدته انتخاب ایدرلر. اشبو ذواتك الضمام معاونتلیله کرک مشیخت
جهتلرینک وکرک جهات سائر علمیه وبدنیهك تکایاده ایضا ایدیلوب ایدلدیکنه مرکز
شیخلری نظارت ایدم جکلردر.

ماده ۳ ملحق تکیه لک یوقلمه علم و خبرلری مرکزلردن و مرکز لک علم و
خبرلری دخی مفتشلر طرفندن تصدیق ایدیهل جکلردر.

ماده ۴ ملحق تکیه لک یوقلمه علم و خبرلری مرکزلرده حفظ ایدیلرک سنه ده
بر کره عمومی و مصرف بر یوقلمه جدولی مرکز شیخلری طرفندن مجلس مشایخه
ویریهل جکلردر.

ماده ۵ مرکزلرده هفته ده برر ساعت عرفای امتدن برر ذات طرفندن طرق
علیهك غایات ومقاصد عالیه سیله اخلاق فاضله اسلامیه دایر عموم ایچون عصری موعظه
دینه ایشانه اهتمام ایدیهل جکلردر.

ماده ۶ هر منطقه داخلده کی تکایا مشایخ و درویشانک اتحادیه خدمت و میانه لرزده کی اخوت دینه نک تأییدیه غیرت و همت مرکز شیخلرینک جمله وظایقنددر.
ماده ۷ تکایا مشایخندن دوائر دولتی، لدی الايجاب طلب اولنان علم و خبرلر اولاً مرکز لرندن و بعده مجلس مشایخ طرفندن تصدیق اولنور .
ماده ۸ مرکز شیخلری مناسب بر ذاتی توکیل ایده رک مجلس مشایخندن مأذون اولمادیجه اوزون مدت غیوبت ایده مزلر .

ماده ۹ مرکز شیخلری هر آی منطقه لرینک شئونات عمومیه سنه دائر علاوه مطالعات ایله مجلس مشایخه بر راپور و یره جگر و لدی الايجاب بکدیگرلریله بالمشاوره مساک جلیله صوفیه نک احیا و اعلاسی خصوصنده نتیجه مطالعاتلری مجلس مشایخه بیله یره جگر در .

۱۱ ذی القعدة ۳۳۶ ۱۸ اکتوس ۳۳۴

*
* *

طبعة انجمن مشایخ میتمریک وظیفی حقده تعلیماتیه

برنجی فصل

انجمنلرک صورت تشکیلی حقده در

ماده : ۱ — هر مرکزده بولنان علما و مشایخ محلیه مقیملرک ریاستیه بالا اجتماع انجمن مشایخ اعضاسنی رأی خفی ایله انتخاب ایدرلر و نتیجه انتخاب انجمن ریاستی طرفندن مجلس مشایخه اشعار اولنور .

ماده : ۲ — انجمن اعضالربنک مشایخ محلیه دن هر قان و فضیلت ایله موصوف و اهل طریقك اعتماد و امنیتلرینه مظهریتله معروف ذواتدن انتخاب اولنلری لازمدر .

ماده : ۳ — انجمن اعضالغنه انتخاب اولنان ذوات مجلس مشایخنک رأی وقراری آئیندیجه تبدیل ایدیلر مز .

ماده : ۴ — انجمن مشایخنلرده مرکزك اسمنی حاوی رسمی بر مهر بولنه جق

واشبو مهر بر حفظه دروونده رئیس و اعضادن بر ذاتك مهريله مختوم اوله رق رئیسك زردنده حفظ ایديله جكدرد .

ماده : ۵ — انجمن مشایخ اعضاسندن بر ذات انجمنك كتابت وظیفه سنی ایفا ایلر .

ماده : ۶ — نظامنامه ده مندرج وظائف واحكامك ایفای ایچون لزوم کورلدیجه رئیسك دعوتيله اوقات معینه ده انجمنلر عقد اجتماع ایدر .

ایکنجی فصل

انجمنلرک وظائفی حقنده در

ماده : ۷ — هر مرکز داخلنده بوانان تکایا و زوایا انجمن مشایخك مراقبه دائمیه سی آلتنده بولنه جقدرد .

ماده : ۸ — مجلس مشایخك تکایاده مابه التطبيق اولق اوزره پیدر پی تنظیم و تبلیغ ایده چیکی عملیات و مقررات ایله واقفینك شرائطی ذائره سنده ایفای وظائف ایدیلوب ایدلدیکنه دائر انجمن مشایخ هیئتلی تکایایه نظارت ایده جکدردر .

ماده : ۹ — متعدد تکایا و زوایای محتوی مرکز لرده مراقبه و نظارتك و معاملات سائره ك تسهیل تمشینه مدار اولق اوزره متعدد منطقه لره تقسیم ایديله جك و هر منطقه دائره سنده کی تکایا و زوایا اهمیت موقعیه یی حائز بر درگاهك مرکز انحاذيله آکا ربط اولنه جقدرد . انجمن مشایخ هیئتلی اشبو مرکز لره واسطه سیله نظارت و مراقبه وظیفه لری ایفا ایده جکدردر .

ماده : ۱۰ — مرکز لره اوج آیده منطقه لری داخلنده کی تکایانك وظائفی وشئونات عمومیه سی حقنده انجمن مشایخه بر راپور ویره جکدر و انجمن مشایخ هیئتلی اداره لری داخلنده بوانان تکایا حقنده الی آیده بر کره مجلس مشایخه عمومی بر راپور کوندره جکدردر .

ماده : ۱۱ — کرک مرکز لره راپور لری و کرک مرکز اولیان بر لرده بالذات انجمن مشایخك معاملات و مشهوراتی اوزرینه نظامنامه احکامنه تطبیقاً انجمنلرک جله وظائفندن اولان معاملات محلجه ایفا ایديله جك و ایجاب ایدنلر طرف ریاستدن مجلس مشایخه بیلدیريله جکدر .

ماده : ۱۲ — تکایای عائد وقفیه لک صورتلری اوقاف اداره لرندن و احبابی بدندن اخذ ایدیلرک انجمنلرده حفظ ایدیلرک و بونلرک برر صورتی پیدرپی مجلس مشایخه کوندریلرک جکدر .

ماده : ۱۳ — هر مرکزده بولان تکایانک اسمی بانیسی تاریخ بناسی هانکی طریقه منسوب و مشروط اولدیغنی و دروننده کی جهات سائرہ یی و مخصصات و معیناتی اوقاف مضبوطه یا خود ملحقه دن بولدیغنی و شیخک اسم و شهرتیه درجه تحصیلی و خلفا و درویشانک مقداری و دروننده بولان جهات اربابنک اسم و شهرتلیخی حاوی برقطعه دفتر انجمنلرجه تنظیم ایدیلرک و بونلرک برر مصدق صورتی مجلس مشایخه ارسال قلنه جقدر .

ماده : ۱۴ — هر مرکزده بولان تکایاده هفته ده بر ساعت عرفای امت طرفلرندن طرق علیه نک اساسات مبارک سیه مقاصد و غایات مستحسنه سنه دائر مواعظ دینه نک ایفا ایدرلمسته انجمنلر طرفندن اهتمام ایدیلرک جکدر .

اوچنجی فصل

تکایای خصوصیه حقنده در

ماده : ۱۵ — تکایای خصوصیه صاحب لرینک اسملری و هانکی طریقت علیه دن مجاز و مستخلف اولدقلری مبین برر دفتر انجمنلرجه حفظ اوله جقدر .

ماده : ۱۶ — اعتقاداً و عملاً هر بر مؤمنک یلمسی واجب اولان مسائل شرعی یی بیلیمان تکایای خصوصیه صاحب لری مجلس مشایخ نظامنامه سنک اون یدنجی ماده سی موجیه انجمن مشایخ هیئتلری طرفندن ایضای وظیفه دن اصولی دائره سنده منع اولورلر .

۱۱ ذی القعدة ۱۳۳۶ ۱۸ اغستوس ۱۳۳۴

